

2002 жылғы 7 қазандағы Ұжымдық қауіпсіздік туралы шарт ұйымының құқықтық мәртебесі туралы келісімге өзгерістер мен толықтырулар енгізу туралы хаттаманың жобасы туралы

Қазақстан Республикасы Үкіметінің 2007 жылғы 2 қазандағы N 878 Қаулысы

Қазақстан Республикасының Үкіметі **ҚАУЛЫ ЕТЕДІ:**

2002 жылғы 7 қазандағы Ұжымдық қауіпсіздік туралы шарт ұйымының құқықтық мәртебесі туралы келісімге өзгерістер мен толықтырулар енгізу туралы хаттаманың жобасына қол қою туралы ұсыныс Қазақстан Республикасы Президентінің қарауына енгізілсін.

Қ а з а қ с т а н Р е с п у б л и к а с ы н ы ң

Премьер-Министрі

Жоба

2002 жылғы 7 қазандағы Ұжымдық қауіпсіздік туралы шарт ұйымының құқықтық мәртебесі туралы келісімге өзгерістер мен толықтырулар енгізу туралы хаттама

Бұдан әрі Тараптар деп аталатын Ұжымдық қауіпсіздік туралы шарт ұйымына мүше мемлекеттер ,

Ұжымдық қауіпсіздік туралы шарт ұйымы (бұдан әрі - Ұйым) қызметінің тиімділігін арттыруға ұмтыла отырып ,

Ұйымның тұрақты әрекет ететін жұмыс органдарының және Ұйым жанындағы Өкілетті өкілдердің қызметіне тиісті жағдай жасауды қамтамасыз етудің қажеттігін түсіне отырып ,

1961 жылғы 18 сәуірдегі Дипломатиялық қатынас туралы Вена конвенциясын назарға ала отырып ,

2002 жылғы 7 қазандағы Ұжымдық қауіпсіздік туралы шарт ұйымының Жарғысына негізделе отырып ,

2002 жылғы 7 қазандағы Ұжымдық қауіпсіздік туралы шарт ұйымының құқықтық мәртебесі туралы келісімнің 35-бабына сәйкес ,

төмендегілер туралы келісті:

1. Келісімге мынадай өзгерістер мен толықтырулар енгізілсін:

1.1. 1-баптың жетінші абзацы»"Ұйымның шеңберінде өткізілетін" деген сөздердің алдына "Ұйым жанындағы мүше мемлекеттердің Өкілетті өкілдерін қоспағанда," деген сөздермен толықтырылсын .

1.2. 1-баптың жетінші абзацынан кейін сегізінші, тоғызыншы, оныншы, он бірінші,

он екінші, он үшінші, он төртінші және он бесінші абзацтармен мынадай мазмұнда толықтырылсын:

"Ұйым жанындағы Өкілетті өкіл" (бұдан әрі - Өкіл) - Ұйымға мүше мемлекеттің оның ұлттық заңнамасына сәйкес тағайындалатын, жіберетін мемлекеттің Ұйым мәселелері жөніндегі қызметі үшін және Ұйым Жарғысының IV тарауына сәйкес құрылған Тұрақты Кеңестің жұмысы үшін қажетті өкілеттік берілген өкіл;

"Ұйым жанындағы мүше мемлекеттердің тұрақты өкілдіктері" (бұдан әрі - Өкілдік) - ҰҚШҰ-ға мүше мемлекет Ұйым жанындағы оның мүдделерін таныту үшін жіберетін Өкіл басшылық жасайтын тұрақты сипаттағы миссия;

"Өкілдіктің үй-жайлары" - өкілдіктің басшылық резиденциясын, сонымен қатар оларға меншік құқығы кімге тәуелді болмасын оларға қарасты жер телімдерін қоса өкілдіктің мақсаттары үшін пайдаланылатын ғимараттар мен құрылыстар;

"Өкілдік қызметкерлері" - Өкілетті өкіл мен Өкілдік персоналының мүшелері;

"Өкілдік персоналының мүшелері" - Өкілдіктің дипломатиялық персоналының, әкімшілік-техникалық персоналы мен қызмет көрсетуші персоналының мүшелері;

"Дипломатиялық персонал мүшелері" - дипломатиялық рангісі бар өкілдік персоналының мүшелері;

"Әкімшілік-техникалық персонал мүшелері" - Өкілдікте әкімшілік-техникалық қызмет көрсетуді жүзеге асыратын Өкілдік персоналының мүшелері;

"Қызмет көрсетуші персонал мүшелері" - Өкілдікке қызмет көрсету жөніндегі міндеттерді орындайтын Өкілдік персоналының мүшелері.

1.3. 1-баптың 13 абзацы мынадай редакцияда жазылсын:

"отбасы мүшелері" - Бас хатшының, Өкілдердің және Өкілдіктің басқа да қызметкерлерінің, Ұйымның лауазымды тұлғалары мен қызметкерлерінің күйеуі (әйелі), кәмелетке толмаған балалары және асырауындағы адамдар.

1.4. Сегізінші, тоғызыншы, оныншы, он бірінші, он екінші және он үшінші абзацтар он алтыншы, он жетінші, он сегізінші, он тоғызыншы, жиырмамыншы және жиырма бірінші абзацтарға сәйкес деп саналсын.

1.5. I тарау мынадай мазмұндағы жаңа 9¹-баппен толықтырылсын:

"9¹-бап

Ұйымның артықшылықтары мен иммунитеттерін белгілейтін осы Келісімнің ережелері Ұйымның Біріккен штабына қолданылады.

1.6. II тарау мынадай мазмұндағы жаңа 21¹-баппен толықтырылсын:

"21¹-бап

Ұйымның лауазымды тұлғалары мен қызметкерлерінің артықшылықтары мен иммунитеттерін белгілейтін осы Келісімнің ережелері, *mutatis mutandis* Ұйымның Біріккен штабының әскери қызметшілері мен азаматтық персоналына қолданылады."

1.7. Мынадай мазмұндағы жаңа III тараумен толықтырылсын:

" III. Өкілдіктің және Өкілдік қызметкерлерінің артықшылықтары мен иммунитеттері

22-бап

Мүше мемлекеттер Ұйым жанындағы Тұрақты өкілдіктерді (Өкілдіктер) құруы мүмкін.

23-бап

Өкілдік басшысының қызметін жүзеге асыратын Өкілетті өкілден басқа, Өкілдік өзіне Өкілдік қызметкерлерін де қамтуы мүмкін.

24-бап

Өкілдіктер, Өкілетті өкілдер мен Өкілдіктің басқа да қызметкерлері - Өкілдіктің дипломатиялық персонал, мүшелері, әкімшілік-техникалық және қызмет көрсету персоналының мүшелері, сондай-ақ олардың отбасы мүшелері, тиісінше, 1961 жылғы 18 сәуірдегі Дипломатиялық қатынастар туралы Вена конвенциясының мәні бойынша мемлекеттердің дипломатиялық өкілдіктеріне, дипломатиялық агенттіктеріне, дипломатиялық өкілдіктердің әкімшілік-техникалық және қызмет көрсетуші персоналына және олардың отбасы мүшелеріне берілетін шамада артықшылықтарды, иммунитеттерді және жеңілдіктерді пайдаланады.

25-бап

Өкілдік өз ғимараттарында жіберуші тараптың және Ұйымның жалауы мен эмблемасын орналастыру құқығына ие.

Осы бапта көзделген құқықтарды жүзеге асыру кезінде болатын мемлекеттің заңдары, ережелері және дәстүрлері назарға алынады.

26-бап

Болатын мемлекет жіберуші мемлекеттің қаражаты есебінен жіберуші мемлекетке Өкілдік үшін қажетті ғимараттарды алуға немесе сатып алуға көмек көрсетеді.

27-бап

Жіберуші мемлекет Хатшылықты және болатын мемлекетті:

а) Өкілетті өкілді, Өкілдіктің басқа қызметкерлерін тағайындау туралы, олардың лауазымдары мен атақтары, олардың келуі мен соңғы кетуі немесе Өкілдіктегі олардың қызметінің тоқтатылуы туралы, сондай-ақ олардың Өкілдіктегі қызметі кезінде олардың мәртебесіне әсер ететін болжамды кез келген басқа өзгерістер туралы;

ә) Өкілетті өкілді немесе Өкілдіктің басқа қызметкерінің отбасы мүшесі болып табылатын және онымен бірге тұратын кез келген адамның келуі және соңғы кетуі туралы және тиісті жағдайларда осы немесе өзге адамның отбасының осындай мүшесі болуы немесе болмауы туралы;

б) Өкілдіктегі әкімшілік-техникалық және қызмет көрсетуші персонал жұмысының басталуы мен тоқтатылуы туралы;

в) Келісімнің 24-бабына сәйкес қол сұғылмайтын үй-жайлардың орналасқан жері туралы хабардар етеді, сондай-ақ осындай үй-жайларға сәйкестендіру үшін қажет болуы мүмкін кез келген басқа да мәліметтерді хабарлайды.

28-бап

1. Осы Келісімге сәйкес артықшылықтар мен иммунитеттерге құқығы бар әрбір адам өзінің постына отыру үшін барған кезде болатын мемлекеттің аумағына келген сәтінен бастап немесе егер ол адам болатын мемлекеттің аумағында әлдеқашан болса, онда оның тағайындалуы туралы Ұйым немесе жіберуші мемлекет болатын мемлекетке хабарлаған сәттен бастап оларды пайдаланады.

Егер артықшылықтар мен иммунитеттерді пайдаланатын адамның функциялары аяқталса, оның артықшылықтары мен иммунитеттері, әдетте, бұл адам болатын мемлекеттің аумағынан кеткен сәтінен бастап немесе осыны іске асыру үшін белгіленген мерзім аяқталғаннан кейін тоқтатылады. Алайда осындай адамның Өкілдіктің қызметкері ретінде өз функциясын орындау кезінде жасаған іс-қимылдарына қатысты иммунитет қолданысын жалғастырады.

2. Өкілетті өкіл немесе Өкілдіктің басқа қызметкері қайтыс болған жағдайда оның отбасы мүшелері олардың құқығы бар артықшылықтар мен иммунитеттерді болатын мемлекеттің аумағынан кету үшін белгіленген мерзім аяқталғанға дейін пайдалануды жалғастырады.

3. Өкілетті өкіл, Өкілдіктің басқа қызметкері немесе онымен бірге тұратын оның отбасы мүшесі қайтыс болған жағдайда, болатын мемлекеттің аумағы шегінде сатып алынған және ол қайтыс болғанға дейін тыйым салынған барлық мүлікті қоспағанда, болатын мемлекет қайтыс болған адамның жылжымалы мүлкін әкетуге рұқсат береді. Мұрагерлікке әр түрлі салықтар болатын аумақта болып табылатын жылжымалы мүліктен алынбайды.

29-бап

Өкілетті өкіл және Өкілдіктің басқа да қызметкерлері, ереже бойынша жіберуші мемлекеттің азаматтары болып табылуы тиіс.

Жіберуші мемлекет Өкілетті өкілді немесе Өкілдіктің басқа қызметкерін өзінің басқа өкілдігі дипломатиялық персоналының мүшесі ретінде тағайындауы мүмкін, сондай-ақ өзінің басқа өкілдігі дипломатиялық персоналының мүшесін Өкілетті өкіл немесе Өкілдіктің басқа қызметкері ретінде тағайындауы мүмкін.

Болатын мемлекеттің азаматы болып табылатын немесе онда тұрақты тұратын Өкілетті өкіл өз функцияларын орындау кезінде жасалған ресми іс-қимылдарға қатысты заңдық иеліктен тек иммунитетті және қол сұғылмаушылықты пайдаланады.

Болатын мемлекеттің азаматтары болып табылатын немесе онда тұрақты тұратын Өкілдіктің басқа қызметкерлері тек болатын мемлекет жол беретін шамада ғана

артықшылықтар мен иммунитеттерді пайдаланады. Алайда болатын мемлекет осы тұлғаларға өзінің заңдық иелігін Өкілдіктің функциясын жүзеге асыруда тиісті емес түрде араласпайтындай етіп жүзеге асыруы тиіс.

30-бап

Осы Келісімде көзделген артықшылықтар мен иммунитеттер үшін залалсыз Өкілетті өкіл және Өкілдіктің басқа қызметкерлері, сондай-ақ олардың отбасы мүшелері болатын мемлекеттің заңнамасын құрметтеуге және оның ішкі істеріне араласпауға міндетті.

31-бап

Өкілетті өкіл және Өкілдіктің басқа қызметкерлері, сондай-ақ олардың отбасы мүшелері болатын мемлекеттің заңнамасына сәйкес олар пайдаланатын немесе оларға тиесілі барлық көлік құралдарына қатысты үшінші тұлғалардың алдындағы жауапкершілігін сақтандыру туралы міндеттерді орындауы тиіс.

Өкілдіктің үй-жайлары және Өкілетті өкілдің, Өкілдіктің басқа да қызметкерлері мен олардың отбасы мүшелерінің орналасқан тұрғын үй-жайлары Өкілетті өкілдің, Өкілдіктің басқа да қызметкерлерінің өздерінің ресми функцияларын орындаумен үйлеспейтін мақсаттарға пайдаланбауы тиіс.

32-бап

Егер олар болатын мемлекеттің азаматтары болып табылмаса немесе онда тұрақты тұрмайтын болса, Өкілетті өкілдің отбасы мүшелері және Өкілдіктің басқа да қызметкерлері Өкілдік қызметкерлері пайдаланатын сондай артықшылықтар мен иммунитеттерді пайдаланады.

33-бап

Жіберуші мүше мемлекет Өкілетті өкілдің және Өкілдіктің басқа да қызметкерлерінің иммунитетінен оның пікірі бойынша иммунитет әділ сотты жүзеге асыруға кедергі болатын жағдайларда бас тартуы мүмкін және иммунитеттен бас тарту оны берумен байланысты мақсаттарға залал келтірмейді.

Бас тарту айқын көрсетілген болуы тиіс.

Егер жіберуші мүше мемлекет Өкілетті өкілдің немесе Өкілдіктің басқа қызметкерінің азаматтық талапқа қатысты иммунитетінен бас тартпаса, ол істің әділ шешілуі үшін бар күшін салады.

Өкілетті өкіл немесе Өкілдіктің басқа қызметкерлерінің іс қозғауы оны негізгі талаппен тікелей байланысты кез келген қарсы талапқа қатысты иммунитетке сүйену құқығынан айырады.

34-бап

Егер мемлекеттік қауіпсіздік мақсаттары бойынша кіруге тыйым салынатын немесе реттелетін аймақтар туралы заңдар мен ережелерге қайшы келмейтін жағдайда,

болатын мемлекет мүше мемлекеттердің барлық өкілдерінің олардың функцияларын орындау үшін қажетті шамада өзінің аумағы бойынша жылжуларын және жол жүру бостандығын қамтамасыз етеді.

35-бап

Болатын мемлекет және Ұйым Өкілдікке олардың өз функцияларын орындауда
к ө м е к к ө р с е т е д і " .

1.8. III-V тараулар мен 22-23-баптар IV-VI тарауларға және 36-49-баптарға сәйкес
д е п е с е п т е л с і н .

1.9. Келісімнің V тарауы мынадай мазмұндағы жаңа 41¹ -баппен толықтырылсын:

"41¹ -бап

Ұйымға жеңілдік негізде жұмысқа жіберілген лауазымды тұлғаларға Ұйымдағы жұмысы аяқталғаннан кейін жіберуші мемлекеттің шешімі бойынша лауазым
ұ с ы н ы л а д ы " .

1.10. 49-баптың екінші абзацы»"32-бабында" деген сөздерден кейін "(жаңа редакцияда - 46)" сөздерімен толықтырылсын.

2. Осы Хаттаманы қолдануға немесе түсіндіруге байланысты даулы мәселелерді мүдделі Тараптар консультациялар мен келіссөздер жүргізу жолымен шешеді.

3. Осы Хаттама Келісімнің 32-бабында (жаңа редакцияда - 47) көзделген тәртіпте күшіне енеді. Тараптардың әрқайсысы депозитарийді жазбаша хабардар ете отырып осы Хаттаманың уақытша қолданылуы туралы мәлімдеуі мүмкін.

200__ " _____ " _____ қаласында орыс тіліндегі бір түпнұсқа данада жасалды. Түпнұсқа данасы осы Хаттамаға қол қойған әрбір мемлекетке оның расталған көшірмесін жолдайтын Ұжымдық қауіпсіздік туралы шарт ұйымының Хатшылығында сақталады.

Армения Республикасы үшін
Беларусь Республикасы үшін
Қазақстан Республикасы үшін
Қырғыз Республикасы үшін

Ресей Федерациясы үшін
Тәжікстан Республикасы үшін
Өзбекстан Республикасы үшін